

UGOVOR
o javnoj nabavci usluga

Zaključen dana 26.09.2017. godine u Sarajevu između:

KJP „Sarajevo –šume“ d.o.o. Sarajevo, sa sjedištem u Sarajevu, ul. Maršala Tita br.7/II (u daljem tekstu **Naručilac usluga**), koga zastupa direktor **mr.sci. Nermin Demirović, dipl.ing.šum.**

i
„Sredmošnjik“ d.o.o. za proizvodnju, trgovinu i usluge, Ravna Romanija Sokolac, registrovano kod Okružnog suda Istočno Sarajevo, Rješenjem o registraciji: 061-0-Reg-14-000 230 od 20.05.2014. godine, identifikacioni broj: 4403729200001, PDV broj: 403729200001 (u daljem tekstu **Izvršilac usluga**) koga zastupa direktor Simović Miloš.

(u daljem tekstu: **Ugovorne strane**)

Član 1.

Predmet ovog Ugovora su usluge koje će obavljati Izvršilac usluga, a za potrebe Naručioca usluga u 2017/2018. godini, i to:

- **Lot 1.- ŠU „Srednje“, ŠVGP „Bistričko“, GJ „Vogošća-Bulozi“, Odjel 10 (sječa i izrada šumskih drvnih sortimenata, animalna vuča - priprema, traktorska vuča sa i bez pripreme, iznos i slaganje cijepanog drveta) cca 1.923,75 m³**

prema Obrascu za cijenu ponude - Lot 1.- ŠU „Srednje“, ŠVGP „Bistričko“, GJ „Vogošća-Bulozi“, Odjel 10 , koji je dostavljen u ponudi Izvršioca usluga protokolisanom kod Naručioca usluga pod brojem: 0103-2124-7/17 od 15.09.2017. godine , a koji su prilog ovog Ugovora i čine njegov sastavni dio.

Ukupna vrijednost usluga iz prethodnog stava iznosi **76.700,00 KM**, bez uključenog iznosa pripadajućih indirektnih poreza, odnosno PDV-a, koji plaća Naručilac usluga.

Član 2.

Ovaj Ugovor se zaključuje na osnovu Zapisnika sa javnog otvaranja ponuda za javnu nabavku usluga broj: 0103-2124/17- za Lot 1.- ŠU „Srednje“, ŠVGP „Bistričko“, GJ „Vogošća-Bulozi“, Odjel 10 (sječa i izrada šumskih drvnih sortimenata, animalna vuča - priprema, traktorska vuča sa i bez pripreme, iznos i slaganje cijepanog drveta) cca 1.923,75 m³, broj: 0103-2124-10/17 od 15.09.2017. godine, Zapisnika o pregledu i ocjeni ponuda, broj: 0103-2124-12/17 od 18.09.2017. godine, pravosnažne Odluke o izboru najpovoljnijeg ponuđača, broj: 0103-2124-14/17 od 18.09.2017. godine i Odluke Nadzornog odbora KJP „Sarajevo-šume“ d.o.o. Sarajevo, broj: 0102-2124-4/17 od 22.08.2017. godine.

Član 3.

Naručilac usluga povjerava, a Izvršilac usluga preuzima obavezu da svojim sredstvima rada i radnom snagom izvrši usluge na poslovima sječe i izrade šumskih drvnih sortimenata, animalne vuče - pripreme, traktorske vuče sa i bez pripreme, iznos i slaganje cijepanog drveta šumskih drvnih sortimenata četinara i lišćara, kako je navedeno u članu 1. ovog Ugovora, a sve u skladu sa Projektom za izvođenje za predmetni odjel i nalozima Naručioca usluga.

Član 4.

Izvršilac usluga se obavezuje da će usluge koje su predmet ovog Ugovora započeti vršiti odmah po prijemu poziva Naručioca usluga uz mjesečnu dinamiku od 641,33 m³, te da predmetne usluge završi u roku od 3 (tri) mjeseca od dana ulaska u odjel i početka vršenja usluga, a najkasnije do 31.12.2018.godine.

U slučaju kašnjenja u vršenju usluga, do kojeg je došlo krivicom Izvršioca usluga, isti se obavezuje da će Naručiocu usluga po mjesečnoj dinamici za svaki dan kašnjenja platiti ugovornu kaznu u skladu sa Zakonom o obligacionim odnosima FBiH u iznosu od 1 % vrijednosti ugovorenih usluga do urednog izvršenja usluge, s tim da ukupan iznos ugovorne kazne ne može prijeći 10% od ukupno ugovorene vrijednosti usluga koje su predmet javne nabavke.

Izvršilac usluga je dužan platiti ugovornu kaznu Naručiocu usluga u roku od 7 (sedam) dana od dana prijema zahtjeva za plaćanje od strane Naručioca usluga.

Član 5.

Za praćenje izvršenja ovog Ugovora, odnosno za izvršenje ugovorene mjesečne dinamike zadužuje se Šef Šumske uprave „Srednje“, koji se obavezuje da o realizaciji ovog Ugovora kontinuirano obavještava Izvršnog Direktora Oblasti za šumarstvo.

Ukoliko dođe do kršenja odredaba ovog Ugovora, odnosno kašnjenja ugovorene dinamike Šef Šumske uprave „Srednje“ je dužan odmah o tome obavijestiti Izvršnog Direktora Oblasti za šumarstvo u pismenoj formi sa detaljnim obrazloženjem zbog čega i čijom krivicom je došlo do kršenja odredaba ovog Ugovora.

Ukoliko Izvršilac usluga svojom krivicom ne ispoštuje mjesečnu dinamiku utvrđenu ovim Ugovorom odnosno ne započne sa vršenjem usluga i ne završi ugovorene poslove na vrijeme u skladu sa članom 4. ovog Ugovora, preuzima obavezu da nadoknadi štetu koju takvim ponašanjem prouzrokuje Naručiocu usluga, a što potvrđuje potpisom na ovom Ugovoru.

Član 6.

Naručilac usluga se obavezuje da Izvršiocu usluga za izvršene usluge koje su navedene u članu 1. ovog Ugovora plati novčanom naknadu u skladu sa jediničnim cijenama i ukupnom cijenom datim u Obrascu za cijenu ponude - Lot 1.- ŠU „Srednje“, ŠVGP „Bistričko“, GJ „Vogošća-Bulozi“, Odjel 10, koji je dostavljen u ponudi Izvršioca usluga protokolisanom kod Naručioca usluga pod brojem: 0103-2124-7/17 od 15.09.2017. godine, a koje jedinične cijene i ukupna cijena su bez uključenog iznosa PDV-a koji plaća Naručilac usluga.

Jedinične cijene i ukupna cijena date u Obrascu za cijenu ponude - Lot 1.- ŠU „Srednje“, ŠVGP „Bistričko“, GJ „Vogošća-Bulozi“, Odjel 10 su nepromjenjive u skladu sa datom izjavom koju je Izvršilac usluga dostavio u svojoj ponudi protokolisanom kod Naručioca usluga pod brojem: 0103-2124-7/17 od 15.09.2017. godine.

Naručilac usluga će vršiti plaćanje u roku od 30 (trideset) dana od dana urednog ispostavljanja fakture na transakcijski račun Izvršioca usluga, broj: 5557000013262769 otvoren kod Nova Banka.

Član 7.

Izvršilac usluga se obavezuje da će u roku od 15 (petnaest) dana od dana potpisivanja ovog Ugovora Naručiocu usluga dostaviti безусловnu garanciju poslovne banke za dobro izvršenje ugovora u visini od 10% od vrijednosti ugovora bez uračunatog PDV, koja će poslužiti za pokrivanje svake štete i troškova koje Ugovorni organ može imati ukoliko Izvršilac usluga prekrši ugovor o nabavci od potpisivanja ugovora do njegovog ispunjenja u cijelosti. Garancija treba da bude validna na period od dana obostranog potpisivanja Ugovora do 31.12.2018.godine.

Ukoliko Izvršilac usluga ne dostavi безусловnu garanciju iz prethodnog stava ovaj Ugovor će se smatrati apsolutno ništavim.

Član 8.

Za cjelokupno izvršenje ugovoreni posao Naručilac usluga će izvršiti plaćanje nakon uspostavljanja potpunog šumskog reda i tehničkog prijema odjela u kojem će se vršiti usluge po ovom Ugovoru, a što treba da utvrdi posebna komisija Naručioca usluga u formi zapisnika koji treba da bude potpisan od strane obje ugovorne strane.

Od ukupnog iznosa svake fakture Naručilac usluga odbit će 10% novčanog iznosa koji će se Izvršiocu usluga isplatiti po konačnom obračunu nakon izvršenih predmetnih usluga u cijelosti, a nakon tehničkog prijema odjela.

Član 9.

Izvršilac usluga se obavezuje da će prilikom vršenja predmetnih usluga primjenjivati mjere o zaštiti šuma i objekata, kako državnih tako i privatnih, vodeći posebno računa o zaštiti podmlatka i o uspostavljanju potpunog šumskog reda, a na osnovu važećih zakonskih i podzakonskih propisa koji regulišu oblast šumarstva.

Ako prilikom obavljanja usluga Izvršilac usluga nanese štetu šumama u privatnom vlasništvu ili pričinu neki drugi vid štete trećim licima istu je dužan nadoknaditi.

Naručilac usluga se obavezuje da će vršiti kontrolu uspostavljanja šumskog reda i o svakom propustu odmah će obavijestiti Izvršioca usluga koji je dužan postupiti u skladu s primjedbama.

Izvršilac usluga se obavezuje da će primjenjivati mjere zaštite na radu angažovanih radnika u skladu sa važećim zakonskim propisima iz te oblasti.

Izvršilac usluga se obavezuje da prilikom obavljanja usluga koji su predmet ovog Ugovora primjenjuje mjere zaštite od požara. U slučaju njihovog neprimjenjivanja preuzima obavezu naknade štete nastale pojavom i razvojem požara.

Izvršilac usluga je obavezan da u potpunosti poštuje zahtjeve relevantnih okolinskih zakona i propisa.

Član 10.

Ugovorne strane su saglasne da će se po završetku ugovorenih usluga u cijelosti izvršiti tehnički prijem istih od strane komisije Naručioaca usluga, a uz prisustvo predstavnika Izvršioca usluga.

Član 11.

Ugovorne strane konstatuju da je Izvršilac usluga u svojoj Ponudi protokolisanj kod Naručioaca usluga pod brojem: 0103-2124-7/17 od 15.09.2017. godine dostavio Naručiocu usluga ovjerenu fotokopiju Rješenja o ispunjavanju uslova za izvođenje radova u šumarstvu izdato od Ministarstva poljoprivrede, šumarstva i vodoprivrede Republike Srpske, broj: 12.06.1-332-851/14 od 05.06.2014.

Član 12.

Izvršilac usluga u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Naručioaca usluga, najmanje 6 (šest) mjeseci po zaključenju Ugovora, odnosno od početka realizacije Ugovora.

Član 13.

Na sve što nije regulisano ovim Ugovorom primjenjuju se odredbe Zakona o obligacionim odnosima FBiH.

Član 14.

Ovaj Ugovor stupa na snagu danom potpisivanja od strane obje ugovorne strane i traje do 31.12.2018. godine.

Član 15.

Sve eventualne sporove po ovom Ugovoru Ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 16.

Ovaj Ugovor je sačinjen u 7 (sedam) istovjetnih primjeraka od koji 5 (pet) zadržava Naručilac usluga, a 2 (dva) primjerka Izvršilac usluga.

Za Naručioaca usluga

Po ovlaštenju Direktora

Izvršni direktor Oblasti za šumarstvo

Prora Adnan, dipl.ing.šum.

Izvršni direktor Oblasti za opšte poslove

Kečo Hidajeta, dipl. ecc.



Za Izvršioca usluga
Direktor

Simović Miloš



Broj: 0103-2124-18 /17
Datum: 26.09.2017. godine

Broj: _____/17
Datum: _____. godine